

Dienelkander



Nuusbrief van die Gereformeerde Kerk Potchefstroom-Oos

16 September 2012

OGGENDDIENS: ds Piet

Ons vier vanoggend met groot dankbaarheid die Sakrament van die Nagmaal. Lidmate van ander gemeentes, wat by die kerkraad aansoek gedoen het, word uitgenooi om saam met ons die Sakrament te gebruik.

Skriflesing: Sagaria 3: 1 - 7

Teks: Sagaria 3: 1 - 7

Preektema: God het ons gekies en bekwaam gemaak om sy kerk te wees ten spyte van die aanslae van die Duiwel.

Gedagtelyn van die preekreeks tot nou:

Preek 1 Sag 1: 1 – 6: Kyk terug na God se optrede in die verlede, bekeer jou en staan weer op in geloof.

Preek 2 Sag 1: 7 – 17: Wag geduldig op die vervulling van God se beloftes.

Preek 3 Sag 1: 18 – 23: Hou moed - God regeer oor die wêreld en niemand anders nie.

Preek 4 Sag 2 : Die Here is ons sekuriteit sodat ons Hom kan dien.

Vandag:

Die kerk van die Here (ek en jy) staan in die spervuur. Satan kla ons aan, die wêreld kla ons aan, ons gewete kla ons aan en ons is skuldig.

Maar God het ons gekies, ons sonde vergewe en ons bekwaam gemaak om sy koninkryk te bou. Vandag word hierdie genade van God sigbaar verkondig! Kom ons dra ons verantwoordelikheid dan met vrymoedigheid en groot vreugde.

Ontmoetingsdiens

Intreelied Ps. 150 – 1: 1,2,3 ; Votum: Seëngroet; Loflied Ps. 118 – 2: 1,6,7; Geloofsbelijdenis.

Verootmoedigingsdiens

Nuwe Nagmaalformulier (Calvyn): Instelling, Gedagtenis en selfondersoek; Samevatting van die Wet uit Matteus 22: 37 – 40; Sing Skuldbelydenis uit Ps. 130 – 1; 1,4; Vryspraak uit Sagaria 3: 3 – 5; Gebed.

Woorddiens

Skriflesing; Woordbediening.

Sakrament

Nuwe Nagmaalformulier: Gemeenskap en verwagting; Sing ter voorbereiding Sb 17 – 2: 3,4,5,6 (mel. Ps 100); Nagmaalbediening; Sing aan tafel: Ps. 103 – 1: 1,3,4,5; Gebed; Sing terwyl tafel ontruim Ps. 116 – 1: 9,10.

Antwoorddiens

Liefdegawes; Sing Sb 15 – 1: 1; Seëngroet lees uit Sb 15 – 1: 2,3 en sing Amen uit Sb 15 – 1: 4.

GESAMENTLIKE AANDDIENS:
ds Koos Mouton

Skrifgedeelte: Galasiërs 5:13-26.
Spreuke 25: 27,28

Teks: Galasiërs 5:23 en Spreuke 25:
27, 28.

Tema: Selfbeheersing. So bitter moeilik?
Tog moontlik deur die krag van die
Heilige Gees.

Vooraf sang

Psalm 111 - 2: 1, 2, 3, 4; Sb 1-3: 1,2,3
(mel. Psalm 130) ; Ps 33 -1: 1, 3, 11.

Ontmoetingsdiens

Votum; Seëngroet; Loflied Ps 8 -1;1,2,3,4.

Woorddiens

Gebed; Skriflesing; Woordbediening

Antwoorddiens

Gebed; Liefdegawes; Lied as antwoord
Ps 18 -1:1,11,15; Wegstuurseën; Amen
Sb. 13-3.

MEELEWING

- Ria Wahl (wyk 6) is in Medi-kliniek opgeneem met inwendige bloeding.
- Griet du Preez (wyk 1) is uit intensief maar word nog in Unitas behandel vir hartversaking en gepaardgaande gevolge.
- Bertie Basson (wyk 24) ondergaan Dinsdag 'n knie-operasie in Medi Kliniek.

Ons bid al hierdie lidmate sterkte en spoedige beterskap toe.

BAIE GELUK

- Baie geluk aan Derik (Casper) Schutte wat vierde plek behaal het met spiesgooi op die Paralimpiese Spele.
- Baie geluk aan Casper Dreyer wat Proteakleure verwerf het vir binnehuisse krieket.

- Janus Kruger wat die Noordwes finaal van Radikale Redenaars behaal het.

ONS VERWELKOM VIR

- Banie, Ananda en Marelé vd Walt wat met attestaat oorkom vanaf Die Bult. Hulle woon in Jan Cilliersstr. 13, wyk 17.

ONS DINK OOK AAN DIE VOLGENDE LIDMATE SUKKEL MET SIEKTE OF SWAK GESONDHEID

- Sr Sannie Reyneke
- Sr Felina Coetsee
- Sr Hettie Viljoen
- Sr Marianne Kruger
- Sr Bettie Ras
- Sr Elsa Brand
- Br Hennie vd Berg
- Sr Janet vd Walt

ONDERSTEUNING VIR SIEKES

Vir ondersteuning of besoeke deur die hospitaalbesoeke-diensgroep, skakel vir:

Joey Lubbe	083 232 9376 / 018 290 1322
Hantie Grobler	082 675 3893 / 018 290 6013
Marian de Kock	082 950 4358
Adele Burger	082 561 7685
Marique Reichel	082 657 4508

of e-pos siekes@oosdoppers.co.za

AFKONDIGINGS

Die volgende aktiwiteite vind DV hierdie week plaas:

Vandag

09:30 Gebedsgroep in Elim

10:00 Oggenddiens

Geen Kleuterbediening

Geen Katkisasie

Tee en koffie in die agterste saal

12:00 Nagmaal-ete

17:30 Gesamentlike Jeugaand

18:00 Gesamentlike Aanddiens

Maandag

16:30 Katkisasie Gr 8

17:15 Katkisasie Gr 9

18:30 Kassierekommissie

Dinsdag

06:00 Manne ondersteuningsgroep

Woensdag

16:30 Katkisasie Gr 10

17:15 Katkisasie Gr 11

19:00 Bybelstudie: Klipdrif

19:00 Beginpunt

Donderdag

17:30 Kalenderbeplanning kommissie

ONS GEMEENTE ROEP

Ons het vir Ds. Karel Steyn beroep as tweede predikant van ons gemeente. Ons bid hom en sy vrou Susan die leiding van die Here toe in die oorweging van die beroep. Indien enige iemand beswaar wil inbring teen sy beroeping moet u die kerkraad daarvan in kennis stel voor 30 September 2012.

NAME VAN KERKRAADSLEDE

Die volgende name word aan die gemeente voorgedien vir goedkeuring om te dien as diakens:

Marietjie Venter, Jan v Jaarsveld, Johan Dunn, Marius Zwemstra.

BELYDENISKLAS UITREIK NA GEREF KERK D'KAR IN BOTSWANA.

Ons belydenisklas vertrek DV 29 Sept op ons jaarlikse uitreik na Botswana. Ons wil graag dankie sê vir die volgende:

- Al die katkisante en hulle ouers wat deur die loop van die jaar verversings verskaf het en vir die gemeente wat die geleentheid ondersteun het sodat ons die mooi bedrag van R 2950.75 kon insamel.

- Dankie vir al die hulp wat lidmate verlede week aangebied het met die versoeke wat ons gerig het.

NOG HULP NODIG:

Ons het egter nog 'n voertuig nodig om die groep te vervoer. Enige sedanvoertuig wat 5 persone kan vervoer sal van hulp wees. Dit hoef nie 'n viertrek- of groot voertuig te wees nie. 'n Kombi sal ook ideaal wees.

GESAMENTLIKE EREDIENS EN JEUGBEDIENING VANAAND

Laerskooljeug

Sagmoedigheid of nederigheid is nie eintlik iets wat vir ons as mense spontaan kom nie. Vanaand se erediens en jeugwerk sentreer rondom hierdie aspek van die vrug van die Gees.

Hoërskoolkinders

Kom leer uit die **DVD "Butterfly Circus"** hoe 'n mens wat sonder arms en bene gebore is, se menswaardigheid verander het toe hy van een sirkus na 'n ander verskuif het.

Hierop volg 'n bespreking wat dalk jou lewe ook kan verander en jou kan help om in sagmoedigheid jou identiteit by die Here vas te maak, al dink ander mense ook al wat van jou.

Ons versoek ons ouers om die kinders te bring na die jeugbediening.

VERJAARSDAE

Baie geluk aan almal wat dié week verjaar!

Sondag, 16 September

Br Jorrie Jordaan (73) 018 290 7345

Br Sybrand vd Merwe 082 448 6977

Maandag, 17 September

Br Marinus de Beer 083 655 0129

Jsr Esmari Rood 071 683 0102

Dinsdag, 18 September

Sr Ena de Bruyn 084 444 5824
Br Tjaart Snyman (75) 083 543 0526

Woensdag, 19 September

Br Dup du Plessis 082 211 5011

Donderdag, 20 September

Sr Marike Venter 082 520 1245
Br Wikus v Niekerk 082 824 1839
Sr Annelie Pheiffer 082 902 0972

Vrydag, 21 September

Br Dries Schutte (70) 082 339 5547

Saterdag, 22 September

Br Orrie Oosthuizen 082 466 2745
Sr Anrie vd Schyff 083 456 2938
Br Jaco Coetzee 082 493 7614
Br Marcell Kruger 082 905 4928

ANDER AFKONDIGINGS

- Liefdegawe vanoggend vir Barmhartigheid.
- Gawe by die deure vanoggend vir die Voorsieningsfonds en vanaand vir Jeugbediening.
- Gawe volgende Sondag vir Teologiese skool: Publikasies.
- Vrywillige bydrae vir voertuigsekuriteit kan in die bussies by deure gesit word.
- Diensbeurte: Wyk 1 en 2.

KENNISGEWINGBORD

- **Internasionale Jeug- en Kinderkonferensie. – volledige program.**
- Sam Bezuidenhout Tuindienste
- Bring hoop vir dowes.

ALMANAK 2013

U kan 'n Almanak bestel vir 2013 @ R55 – bestelvorm op die kennisgewingbord of in die kerkkantoor. Bestellings eindig 25 Oktober 2012.

JONG WERKENDES

Ons nooi al die jong werkendes uit om vanoggend vinnige koffie of tee na die oggenddiens in Elim te kom drink. Ons wil

graag met julle oor 'n ding of twee gesels wat ons baie na uitsien!
Hoop ons sien julle daar!
Stefan Grobler

DANKWOORD EN SEËNWENSE

Geagte Broeders en Susters

Ek en my vrou Betsie wil al die Oosdooppers aan die oostelike oewer van die Mooirivier van harte bedank vir hartlike ontvangs deur u op Sondag 2 September AD 2012. Dit was vir ons verrykend en hartversterkend om dié dag erediensdig saam met u te verkeer. Die was aangenaam om bekendes van vêrvroeg uit ons prille Potchefstroomjare weer te kon groet. Maar ons bly onder die indruk daarvan dat nie net bekendes is wat ons laat tuis voel het nie – die gemeente in geheel het 'n vriendelike gesig wat ons welkom laat voel het en nader genooi het om tuis te wees by u.

Ons bid die kerkraad en gemeente ook seën toe by die beroepingswerk waarmee u op die oomblik besig is. Mag die Koning van die kerk u daarin lei en op sy tyd die medebedienaar van sy Woord wat Hy daarvoor beskik en roep, na u toe stuur.

Intussen is ons saam met u dankbaar vir die werk wat ds. Hessel Dijkstra en Annatjie in u besondere bedieningsveld doen. Ons ken hulle oor jare heen as stylvolle, afgeronde mense wat ten alle tye onderskei waarop dit werklik aankom in kerk en koninkryk. Hulle is gedeë en beleë mense wat die vrug van hulle rypheidsjare met genoeë deel met elkeen wat op hulle pad kom. Ons is hulle persoonlik oneindig dankbaar vir wat hulle vir ons in moeilike tye beteken het. Kyk asseblief mooi na hulle!

Ek groet u met dankbare erkenning vir u welwillendheid teenoor ons. Dit was 'n voorreg om op u uitnodiging by u te kon wees en om saam met u die rykdom van die evangelie te betrag.

Met hartlike groete, U broeder in Christus.

Johannes Bingle

EK LEWE!

Ja, ek mag dit maar sê: Ek lewe! Dit is byna 'n jaar na die Sondag verlede jaar in September toe ek my bobeen gebreek het. Min het ek toe geweet dat byna 'n jaar sou verbygaan voor ek weer kon loop (en ook nog net met krukke). Weke het maande geword en maande het seisoene geword waarvan ek nouliks bewus was in 'n hospitaalbed. Die kort rukkies tuis

Terug in my eie woonstel, sit ek soms laataand wanneer dit baie stil is, in die sitkamer met net 'n klein lampie aan en verwonder my aan alles rondom my. Dis 'n vol vertrek, met baie boeke en klein goedjies van oral versamel. Elkeen vertel 'n storie van 'n vol lewe, waarvoor ek dankbaar is. Baie om na terug te blaai. Soms sit ek ure en kyk na die groot witstinkhoutboom buite my balkon. Die eerste lenteblaartjies is sag-groen en die vinke is fluks besig om nog neste te bou. Alles herinner aan 'n nuwe seisoen – ook vir my - wel met beperkinge en minder kragte, maar tog in staat om veel vreugde te beleef.

Vir alles was daar dié keer 'n eerste: die eerste keer toe die internis by Wilgeheuwel Hospitaal my op krukke in die gang kry, het sy oorstelp haar hande voor haar gesig gesit. Die chirurg is op sy stil, nederige manier bly. Maar hy besef dat die verloop van my verdere lewe van die sukses van sy Lautenbach-behandeling afgehang het.

In al die maande was daar soveel mense wat vir my gebid, my besoek of gebel het, of praktiese hulp verleen het. Ek kan nie genoeg dankie sê nie. En dan my eie kinders: Dawid wat my steunpilaar is. Sy verrassingsbesoekies aan my in die hospitaal, altyd gewapen met tee van die restaurant en baie leesgoed, was 'n ligbaken. Dan was daar Piet en Petro ver op 'n Vrystaatse plaas wat saam met my gebid en gehuil het en nou weer lag. Die kleinkinders, weer, het my toegegooi onder briefies. Frieda en haar gesin, wat hul somer in Europa verruil het vir vaal Suid-Afrika om vir my te kom kuier en Amira, wat haar eerste CD gemaak het. Ouma kon in die hospitaal luister hoe die meisietjie van 8 jaar klassieke liedere sing.

Saartjie, my oudste, met my twee tiener-kleinkinders, het my naweke kom verras – die tuisgebakte nagereg was 'n wenner. So kon ek ook hulle tiener-nuus hoor.

Wat nou? Nou probeer ek rustig wees oor die toekoms en wat dit vir my gesondheid gaan inhou. Ek is seker in die wete: God is altyd by my en sal my nooit in die steek laat nie, al is dit met ver ompaaie. Waarlik, *“Die Here is my herder, ek kom niks kort nie... Selfs al gaan ek deur donker dieptes, sal ek nie bang wees nie, want U is by my. In U hande is ek veilig.”*

Elsa Brand

KONTAKBESONDERHEDE

Sr Susan Grobler, weduwee van ds Herman Grobler, beskik nou oor 'n landlyntelefoon. Die nommer waar julle haar in die hande kan kry is 012 991 0590. Ons moet goeie kontak hou met ons emerituspredikantsvrou – skakel haar gerus.

PROJEKTE KOMITEE

Vanaf die Projekte komitee doen ons graag verslag oor ons projekte wat hierdie jaar reeds afgehandel is.

Ons is baie dankbaar om die volgende te rapporteer en ook dankie te sê vir almal se harde werk tydens hierdie fondsinsamelings aktiwiteite. Ons het soveel genade uit ons Vader se hand ontvang ten opsigte van al ons projekte wat ons aangepak het oor die afgelope jare. Ons bring aan Hom ons dank en eer.

Die stand van sake lyk soos volg:
Projekte wat reeds afgehandel is, het die volgende wins opgelewer:
Gholfdag: R 8 180.00
Oosdopperfees: R 153 225.87
Biltongaand: R 19 748.54

Die laaste projek vir hierdie jaar is ons Mooirivier Kersmark. Ons glo dat ons ook hierdie jaar met 'n geseënde projek kan afsluit. Die Kersmark se opbrengs word geoormerk vir ons Woordbediening na buite en ons wil graag ons roeping daarin uitleef.

Baie dankie vir borge wat reeds na vore gekom het om ons te help met ons oorhoofse kostes. Bemaking maak 'n groot deel van so 'n projek uit en ons benodig daarvoor heelwat fondse.

Ons kan ook meld dat ons 'n groot aanvraag vir uitstallers het en ons uitstalruimte maar beperk is – juis daarom word daar baie streng gekeur en poog ons om net die beste uitstallers toe te laat.

Ons vra ook u voorbidding en ondersteuning vir hierdie projek!

Baie dankie,
Rieëtte Venter namens Projektekomitee

KERKLIKE TYDSKRIFTE

Die kerklike tydskrifte is in die Skuur beskikbaar vir almal wat daarop ingeteken is.

BEROEPENUUS

BEROEPE ONTVANG

- Ds JA Berg van Vaalwater na Jeffreysbaai.
- Ds PJ Grové van Wapadrant na Sanveld.
- Proponent SJB Lee na Ladybrand/Tweespruit-kombinasie.
- Ds MG Mdluli van Sharpeville/Sebokeng/Zamdela-kombinasie na Diepkloof.
- Ds KP Steyn van Empangeni na Potchefstroom-Oos as medeleraar.
- Ds TJ van Vuuren van Heilbron na Newcastle.

BEROEPE AANVAAR

- Ds MG Mdluli van Sharpeville/Sebokeng/Zamdela-kombinasie na Diepkloof.
- Proponent GJJ van der Merwe na Durban-Noord.

BEROEPE BEDANK

- Proponent GJJ van der Merwe na Buffeldoorns.
- Proponent GJJ van der Merwe na Ladybrand/Tweespruit-kombinasie.

- Proponent GJJ van der Merwe na Vryburg.
- Proponent GJJ van der Merwe na Zeerust.

JAARLIKSE DANKBAARHEIDSFEEES?

'n Gedagte het by die Woensdag-oggend Bybelstudie groep ontstaan na aanleiding van ons studie van die boek Ester en van die Purimfees waarvan ons daar lees.

Hierdie fees is ingestel as dank- en feesdag na aanleiding van die Here se reddende genade. Die gedagte was dat ons as gemeente te min ons dankbaarheid teenoor die Here toon vir al sy seëninge en genade oor ons. Ons het soveel om oor bly en dankbaar te wees met betrekking tot ons gemeentelike lewe en die wyse waarop die Here die pad met ons loop.

Ons ervaar hier soveel geestelike seën met die Woord en met ons onderlinge gemeenskap waar daar soveel liefde en omgee is. Ons lees ook elders in die Dienelkander bv van die Here se seën oor ons fondsinsamelings.

Ons moet ook meer die positiewe van ons kerkwees vier en daarom die voorstel dat ons jaarliks met hierdie "Lentenagmaal" 'n dankfees hou om die Here se genade te gedenk. Wat dink jy daarvan? As jy idees hieroor het skakel gerus met ds Piet.

BET-EZER

Bet-Ezer benodig lidmate wat deur die Here geroep is vir hulpverlening aan behoeftige gesinne. Indien jy voel dat jy op die manier die liefde van Christus kan uitleef. Kontak asseblief die Kerkkantoor 018 290 7690.

PARKERING

Ons versoek u vriendelik om asseblief nie op die gemerkte gestremde parkering te stop nie. Dit word spesiaal gereserveer vir gestremde persone.



TEESKINKGELEENTHEID

Tee word vandag in die **VLEISSAAL** bedien deur **Wyke 16, 23** en die **Jeug**. Daar is vandag nie poeding beskikbaar nie. Baie dankie vir die 2 wyke se susters en jeug wat help!

SUSTERSAKTIWITEITE HIERDIE KWARTAAL

16 Sept	Sondag	12:00	Blok A	Nagmaalete
25 Sept	Dinsdag	19:00	Blok B	Klassis Potchefstroom-Ete

GESAMENTLIKE SUSTERSAFSLUITING

Geref. Kerk, Cachet nooi al ons dames uit na die jaar se gesamentlike Sustersafsluiting – 17 Oktober 2012 om 19:00. Meer besonderhede volg later.

BAIE DANKIE

Baie dankie aan Blok B vir die heerlike verversings tydens die Ouderlingevergadering.

NAGMAALETE

Baie dankie aan Blok A wat ons vandag trakteer met 'n heerlike Nagmaal-ete. Dankie ook vir al die gemeentede wat saam met ons kom kuier rondom die ete.

TOKTOKKIE

Baie dankie aan almal wat reeds 'n bydrae gemaak het. Indien daar vandag koeverte of bydraes is kan dit by Adele in die kerkkantoor inbetaal word.

BAIE DANKIE AAN ONS BORG VAN DIE WEEK!



Sanet Ras Prokureurs


OPSTEL VAN TESTAMENTE.

BEREDDERING VAN BOEDELS.

ALLE EIENDOMSTRANSAKSIES.

Van Riebeeckstraat 101, Potchefstroom
Tel: (018) 294-8953 k/u

Beginpunt



Wat gebeur?

- **Beginpunt @ Woensdae**
7uur in die Skuur
- **Volgende Beginpunt @**
Sondag 16 September
- **Botswana uitreik (Beleidenis**
klas) 29 Sept - 5 Okt
- **Deurnag aksie - 19 Okt**
- **Hartklop - 1-6 Okt**
- Riviertoe 5-9 Des
- Kruispad Israel Jeugtoer -
18-27 Nov 2012

Vir meer inligting oor aksies gaan
kyk gerus op die kennisbord

@Sondae

Die gesamentlike jeug-
diens is weer op ons en
ons sien nogal baie uit na vannaand. Ons gaan
weer baie goeie 'n kort movie kyk en nederigheid
beitjie van 'n ander hoek af benader. Ons sien
jou vannaand 17:30 in die skuur.

@Woensdae

Jou woensdae aande
kan nie beter as dit nie.
Kom join ons by Beginpunt@woensdae. Hierdie
week praat ons oor Gebed. wat is dit en hoe
werk dit regtig. Hoe weet ek of God my gebed
hoor of verhoor. Jy kan dit nie mis nie.



Ons is opsoek na nog mense wat kan
help met die musiek by die gesamentlike
byeenkomste. As jy mooi kan sing of
'n musiekinstrument kan speel, al is dit 'n
driehoekie, laat weet ons gerus.

WAT DOEN JY DIE 26STE SEPTEMBER?

Loui Giglio en die Passion Wêreldtoer stop weer in
Suid Afrika en hulle is die 26ste September in Pretoria.
Gaan kyk gerus op die kennisbord vir meer inligting.



VOLGENDE GESAMENTLIKE JEUGBYEENKOMS

Vannaand

17:30 in die Skuur

www.oosdoppers.co.za

Vir enige navrae, hulp of al wil jy net oor 'n koffie gesels.
Kontak Stefan Grobler by 083 389 32 90